

NUPeko ikasleek antolatutako manifestaldia bihar Iruñean

IRUÑEA

Nafarroako Unibertsitate Publikoko hiru sindikatuek —Grupo Universitario, Zabalik eta Ikasle Abertzaleak— antolatuta, bihar arratsaldean manifestaldia izango da Iruñean, bost t'erdietan hasita. 'Benetako unibertsitate publiko baten alde' lemapean irtengo dira autobus geltokitik eta dagoeneko alderdi eta sindikatu askoren laguntza jaso dute: HB, EA, IU eta Batzarre, CCOO, UGT, ELA, LAB, CGT, ESK-CUIS eta USO, hain zuzen.

Era berean, atzo arratsaldean kontzentrazioa egin zuten NUPeko ikasleek Parlamentuaren aurrean, tasen igoera eta beren politika salatzeke. Manifestaldia dela eta, bertan parte hartzeko deialdia egin zuten atzo ikasleen sindikatuak ordezkariek. «Gizarte osoa gonbidatzen dugu bertan agertzera, denon artean unibertsitate publiko bat sortzeko» azaldu zuten ikasleek.

Ikasle Abertzaleak-en bosgarren urtemuga

BILBO

Ikasle Abertzaleak kolektiboak bere bosgarren urtemuga ospatuko du hurrengo egunetan '... eta bagoaz aurrera' lemapean. Bere urteurrena dela eta, zenbait hitzaldi, erakusketak eta jaialdi antolatu ditu.

Bosgarren urteurrenaren ospakizunak bi helburu dituela jakinarazi zuten atzo IAKo ordezkariek: «Batetik, ikasle talde honetan lan eginez, ikuspegi ideologiko abertzale eta irakaskuntzan izan dugun partehartzea jakinarazi nahi dugu. Bestetik, gizarteari begira, geure burua ezagutzera eman nahi dugu, geure interesak, proposamenak...».

'... eta bagoaz aurrera' leloaren bidez, IAKoek hiru puntu nabarmendu nahi dituzte. Batetik, «euskal irakaskuntzan hedapen zabalea» duen ikasle taldea dela. Bestetik, «positibotzat» jo nahi dute bere «garapena, lana eta euskal gizarte eta irakaskuntzari egindako ekarpena».

Laguntza humanitarioa banatzen hasi da Nairobitarra Spliten

Igandean irtengo da Kroaziatik Euskal Herrira bueltatzeko.

Abenduaren 7an Splitera (Kroazia) iritsi ondoren, Tolosa eta inguruetako herrietan bildutako laguntza humanitarioa banatzen hasita daude Nairobitarra autobus ezagunarekin joandako espediziokideak. Bidaiaaren helburuak bete eta gero, ibilgailua igandean bertan abiatuko da Euskal Herrirantz.

JUAN LUIS ZABALA / SPLIT

Berriemaile berezia

Heldutako egun berean SOS Balkanes erakunde humanitarioa bolondresekin kontaktuan jarri ondoren bosnienrentzako eskola estraterritorial batean banatu zuten Nairobitarraok Tolosa eta inguruetan jasotako eskola materiala, ia ia 800 kilo egiten zuena.

Bosniako enbaxadak eratu dituen haur bosniar errefuxiatuentzako eskola estraterritorialak, Egiptoko IGASE elkarte arabiarren laguntzaz. Gipuzkoatik bidalitako materiala hartu duena Lav hotelean kokatua dago eta 420 bat ikasle ditu. Bertako irakasleek Nairobitarri jakinarazi diotenez, haur errefuxiatuek eskola kroaziarretara joateko eskubidea dute baina bertan apenas kasu handirik egiten dieten. Horrexegatik antolatu dira eskola estraterritorialak. Zortzi dira Split eta hiri honen inguruetan egun dauden zentroak.



Lau urteko ume bosniarra errefuxiatu kanpamendu batean.

IGASE elkarteak irakasleko eta klaseko 50 marko alemaniarrez laguntzen die eskola hauei, baina irakasleek elkarte honen laguntzarik gabe lanari eutsi ahal izatea nahi izango lukete.

BOTIKAK MEDICUS MUNDIRI

Zizurkilgo Pedro Mari Otaño eskolan irakasle den Bixente Elordui izan zen Lav hoteleko eskola estraterritorialean Nairobitarraok ordezkariek. Elordui- ren ikasleek bidalitako koadernoetan koadernoaren jabea izango den haur bosniarra agur bat aurkitu du bertso, poema edo marrazki moduan.

Botikei dagokienez, ezereen okerrik ez dela, gaur eramango dituen Nairobitarra Tolosan bildutako 200 kiloak Metkowitzera, Medicus Mundi erakundearen eskuetan uzteko asmoz. Bidaia hau aprobetxatuz, SOS Balkanesek Metkowitzera igorri behar dituen beste ehun kilo botika ere eramango dituen Nairobitarra Bosnia-Herzegovinatik gertu dagoen hiri horretara.

Tolosaldean bildutako material guztia Split eta inguruetan banatu ostean igandean abiatuko da berriro Nairobitarra Euskal Herrirantz eta abenduaren 14ean iritsiko da autobusa bere txokora.

Jaurlaritzak Atxarte ustiatzen jarraitzeko baimena eman lezake

DONOSTIA

Bi urteko geldialdiaren ondoren Atxarteko harrobia (Abadiño, Bizkaia) ustiatzen segitzeko baimena eman lezake Eusko Jaurlaritzako Ingurugiro Sailak. Izan ere, Canteras Atxarte enpresak lan hori bideratzeko egindako proiektua, «ingurugiroari dagokionez onargarria» dela erabaki du Jose Antonio Maturana buru duen Sailak. «Enpresa ustiatzaileak egin duen egitasmoak, inguru horren natur errehabilitazioa hartzen du bere barruan, eta horixe da jarri zen ezinbesteko baldintza», azaldu dute Jaurlaritzako iturriek.

Ondorioz, duela bi urte ustiatzen ari zirela emandako agindua bertan behera uzteko aukera aztertzen ari da Gasteizko Ingurugiro Saila, «bitartean beste administrazioen batek bere esku-

duntzak betearaziz lanen berrekitzea eragotzen ez badu», zehaztu dute.

1991ko azaroan itxi ziren Atxarte eta Atxatikiko harrobiak, enpresak ustiapenerako lizentziarik ez izateaz gain, Ingurugiro Sailak jarritako baldintzak ez zituelako betetzen. Jaurlaritzako iturrien arabera, bi urte hauetan argi eta garbi geratu da arazoa gainditzeko trabak ez zirela ingurugiroari dagozkionak soilik, baizik eta lizentziaren inguruan ere badela auzirik. «Abadiño Udalak ustiapena titulartatearen inguruan izan duen irizpide aldaketak arazo hau gainditzeko eragotzi du», salatu du Ingurugiro Sailak.

Nolanahi ere, Canteras Atxartek aurkeztu duen proiektua guztiz bideragarria da Jaurlaritzaren esanetan. «Aurkeztu duten egitasmoak bi ustiapen eremuak be-

reitzen dituen erdiko espaloia errespetatzen du, alegia, guk jarritako baldintza nagusia. Aurrera eramaten bada, 900.000 metro kubiko kareharri aterako dute bost urtetan».

LABURREAN

IHLDAKO bat Iruñean izandako istripu batean

Jorge Conde Azkona hamazazpi urteko gaztea hil zen asteazken gauean Iruñean kotxe batek harrapatu ondoren. Motorrean zihoan gaztea eta kamioi baten atzean geldirik zegoela, atzetik zetorren kotxe batek jo zuen. Lekukoek azaldu dutenez, izugarrizko abiaduran zihoan kotxea eta, dirudienez, semaforoa gelditu gabe pasatu zuen. Honetaz gain, positiboa eman zuen gidariak alkoholemiaren kontrolean eta atzo bertan eraman zuten Iruñeko kartzelara, epailearen aginduz.

TRENBIDEEN greba inportantea atzo Iparraldean

Eragin handiko greba gertatu zen atzo trenbideetan Ipar Euskal Herri eta Frantzia guztian, CGTk deitu ondoren. Eguna ia trenik gabe gertatu zen. AHT tren guti baizik ez zen, ohizko grebetan ez direlarik hunkiak. Erregio mailan trenik ez zen batere, ez Baiona eta Hendaiaren artean ez eta ere Baiona eta Garaziren artean.

INTSUMISOEN kontrako bi epaiketa Iruñean

Ramon Lopez Cid eta Jose Miguel Arregi Altsasu eta Olaztiko intsumisoak epaitu zituzten atzo goizean Iruñean. Fiskalak bi urte eta lau hilabeteko kartzela zigorra eskatu zuen biontzat. Intsumiso hauek kartzelan zeuden, joan den hilabetean atxilotu baitzituzten, baina intsumiso totalak ziren, hau da, epaitu behar zituzten egunean ez ziren Entzutegira agertu.



ONDARROAKO UDALA

IGERI MONITORE BATEN KONTRATAZIOA

Kirol Monitore bat, Igeri espezialitatean, aldizko lan kontratupean, astero 27 orduko iharduera egiteko hiru egunetan banaturik eta zatikako ordutegiarekin, aukeratze prozeduran parte hartzeko eskariak onartu dira 1993ko Abenduaren 29ko 14 orduak arte.

Hautagaiek Igeri monitore eta uretako soroslearen tituluen jabe izan beharko dute, eta deialdiaren oinarrietan agertzen diren gaineko baldintzak bete beharko dituzte, eskari-orri ereduarekin batera, Ondarroako Udaletxeko Idazkaritzan zuen esku daudenak.

Ondarroan, 1993ko Abenduaren 9an. ALKATEA